

Broj: UP1-06-13-1-46-4/24
Mostar, 15.3.2024. godine

Na osnovu člana 23. stav (1) tačka c) Zakona o električnoj energiji Federacije Bosne i Hercegovine („Službene novine Federacije BiH“ broj 60/23), člana 42. stav (1) tačka a) Pravilnika za izdavanje dozvola („Službene novine Federacije BiH“ broj 2/17, 39/20, 82/21 i 1/23) i člana 9. Pravilnika o regulatornim naknadama („Službene novine Federacije BiH“ broj 94/23), postupajući po Zahtjevu za oduzimanje dozvole za rad broj: UP1-06-13-1-46-1/24 od 31.1.2024. godine, podnosioca zahtjeva „ES SOLAR ENERGY“, Vlasnik: Škapur Fehro, Novo Selo 244, opština Tešanj, u postupku oduzimanja Dozvole za rad za proizvodnju električne energije u mikro-postrojenju OIE broj: UP1-06-13-1-292-1/21, Regulatorna komisija za energiju u Federaciji Bosne i Hercegovine – FERK je 15.3.2024. godine na VI redovnoj sjednici donijela sljedeće

R J E Š E N J E **o oduzimanju dozvole**

1. Imaocu dozvole „ES SOLAR ENERGY“, Vlasnik: Škapur Fehro oduzima se Dozvola za rad za proizvodnju električne energije u mikro-postrojenju OIE broj: UP1-06-13-1-292-1/21, izdata Rješenjem broj: UP1-06-13-1-292-6/21 od 18.2.2022. godine, sa periodom važenja od 18.2.2022. godine do 17.2.2034. godine.
2. Imalac dozvole je stekao status kvalifikovanog proizvođača u objektu solarna fotonaponska elektrana „ES SOLAR ENERGY 1-23 kW“ Rješenjem broj: UP1-06-13-1-292-6/21 od 18.2.2022. godine, koji važi od 18.2.2022. godine do 17.2.2034. godine.
3. Imalac dozvole iz tačke 1. ovog rješenja obavezan je platiti regulatornu naknadu za 2024. godinu za period važenja dozvole za rad u 2024. godini u iznosu od 20,22 KM.
4. Ovo rješenje je konačno, te se objavljuje na službenoj internet stranici FERK-a.
5. Stupanjem na snagu ovog rješenja prestaju važiti tačke 1., 3., 4., 5., 6., 7. i 8. Rješenja broj: UP1-06-13-1-292-6/21 od 18.2.2022. godine, kojim je izdata Dozvola za rad za proizvodnju električne energije u mikro-postrojenju OIE broj: UP1-06-13-1-292-1/21.

O b r a z l o ž e n j e

Dana 31.1.2024. godine FERK je od podnosioca „ES SOLAR ENERGY“, Vlasnik: Škapur Fehro pod brojem: UP1-06-13-1-46-1/24 primio Zahtjev za oduzimanje dozvole za rad, u postupku oduzimanja Dozvole za rad za proizvodnju električne energije u mikro-postrojenju OIE broj: UP1-06-13-1-292-1/21, budući da istom za obavljanje elektroenergetske djelatnosti proizvodnja električne energije više nije potrebna dozvola u skladu sa Zakonom o električnoj energiji Federacije Bosne i Hercegovine. U tom zahtjevu je podnosilac naveo da želi zadržati status kvalifikovanog proizvođača u objektu solarna fotonaponska elektrana „ES SOLAR ENERGY 1-23 kW“, koji je stekao prilikom izdavanja Dozvole za rad za proizvodnju električne energije u mikro-postrojenju OIE.

Prilikom pregleda potpunosti podnesenog zahtjeva, u skladu sa članom 12. Pravilnika za izdavanje dozvola, FERK je utvrdio da podneseni zahtjev nije potpun u smislu člana 8. i člana 9. istog pravilnika. Zbog navedenog, FERK je u skladu sa članom 12. stav (4) Pravilnika za izdavanje

dozvola uputio podnosiocu zahtjeva Obavještenje o nedostacima podnesenog zahtjeva za oduzimanje dozvole broj: UP1-06-13-1-46-2/24 od 7.2.2024. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po navedenom obavještenju, podnosilac zahtjeva je dostavio dopis primljen u FERK 21.2.2024. godine pod brojem: UP1-06-13-1-46-3/24 uz koji je dostavio traženu dokumentaciju, a na osnovu kojeg je FERK utvrdio da je podneseni zahtjev potpun.

Članom 23. stav (1) tačka c) Zakona o električnoj energiji Federacije Bosne i Hercegovine propisano je da FERK može oduzeti dozvolu ukoliko imalac dozvole podnese zahtjev za oduzimanje dozvole, što je propisano i članom 42. stav (1) tačka a) Pravilnika za izdavanje dozvola. Članom 43. ovog pravilnika propisano je da se postupak obnove, izmjene i dopune, oduzimanja i prenosa dozvole, vodi na isti način kao i postupak izdavanja dozvole, ali i da ukoliko su u zahtjevu za pokretanje postupaka navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i donijeti odluka o podnesenom zahtjevu bez održavanja javne rasprave.

U skladu sa članom 17. stav (1) tačka a) Zakona o električnoj energiji Federacije Bosne i Hercegovine elektroenergetski subjekat nije obavezan posjedovati dozvolu za obavljanje elektroenergetske djelatnosti proizvodnje električne energije za proizvodnju električne energije u elektranama instalisane snage do 1 MW.

Na osnovu navedenog, te imajući u vidu da elektrane podnosioca zahtjeva (solarna fotonaponska elektrana „ES SOLAR ENERGY 1-23 kW“ i solarna fotonaponska elektrana „ES SOLAR ENERGY 2“,) imaju ukupnu instalisanu snagu 53 kW, FERK je ocijenio da je opravdano po zahtjevu podnosioca „ES SOLAR ENERGY“, Vlasnik: Škapur Fehro izvršiti oduzimanje Dozvole za rad za proizvodnju električne energije u mikro-postrojenju OIE broj: UP1-06-13-1-292-1/21, s obzirom da su ispunjeni svi propisani uslovi za oduzimanje dozvole za rad.

Imalac dozvole zadržava i dalje status kvalifikovanog proizvođača u objektu solarna fotonaponska elektrana „ES SOLAR ENERGY 1-23 kW“, koji je stekao Rješenjem broj: UP1-06-13-1-292-6/21 od 18.2.2022. godine, te koji važi od 18.2.2022. godine do 17.2.2034. godine.

Rješenjem FERK-a broj: 08-11-1575-1/23 od 19.12.2023. godine je, između ostalih, i podnosiocu „ES SOLAR ENERGY“, Vlasnik: Škapur Fehro kao postojećem imaoocu dozvole za obavljanje djelatnosti proizvodnje električne energije u elektranama ukupne instalisane snage do uključivo 1 MW, u tački 325. utvrđen pojedinačni iznos godišnje regulatorne naknade za 2024. godinu u iznosu od 100,00 KM. U skladu sa članom 9. Pravilnika o regulatornim naknadama, imaoocima dozvola za obavljanje elektroenergetskih djelatnosti, kojima se vrši oduzimanje dozvole, iznos regulatorne naknade preračunava se pojedinačnim rješenjem u skladu sa periodom važenja dozvole u tekućoj godini, o čemu se imalac dozvole obavještava dostavom obavještenja o obavezi plaćanja. S obzirom na navedeno, regulatorna naknada za 2024. godinu je preračunata i ista sada iznosi 20,22 KM. S obzirom da je imalac dozvole po osnovu regulatorne naknade za 2024. godinu 16.1.2024. godine uplatio iznos od 100,00 KM, imaoocu dozvole izvršit će se povrat više uplaćene regulatorne naknade u iznosu od 79,78 KM, o čemu će se imaoocu dozvole ispostaviti posebno obavještenje.

Na osnovu obrade Zahtjeva za oduzimanje dozvole za rad podnosioca „ES SOLAR ENERGY“, Vlasnik: Škapur Fehro i dokumentacije priložene uz zahtjev, FERK je u skladu sa članom 23. stav (1) tačka c) Zakona o električnoj energiji Federacije Bosne i Hercegovine, donosno članom 42. stav (1) tačka a) i članom 43. stav (2) Pravilnika za izdavanje dozvola, odlučio kao u dispozitivu ovog rješenja.

POUKA O PRAVNOM LIJEKU:

Protiv ovog rješenja može se tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSEDavajućEG FERK-a
Jasmin Bešo, s.r.